

TOPIC: 10 JULAI 2017

DEKOTAMAN

EDITOR BERSEKUTU (RENCANA): HUSAIN JAHTI
TEL: 1-300-22-6787 SAMB: 4791 FAKS: 03-20567083/7084



ZAHIR LANDSKAP SEIMBANG

>2&3

TARIKAN
BALKONI
'BERSELERAK'

>7



IDEA RUMAH
TERBUKA
2 PEREKA

>9



FOKUS

Hartini Mohd Nawi
hartini@hmetro.com.my

Perbandaran besar-besaran, jangkaan peningkatan penduduk dunia untuk 30 tahun akan datang dengan pelbagai cabaran dihadapi termasuk peningkatan kadar pencemaran, peningkatan dalam fenomena perubahan iklim, peningkatan masalah keselamatan makanan dan kekurangan ruang turut membuktikan perancangan landskap sempurna sangat diperlukan.

Kajian menunjukkan populasi dunia dijangka meningkat kepada 9.7 bilion berbanding 7.5 bilion ketika ini, sementara penduduk Malaysia yang diunjurkan bakal mencecah 44 juta pada 2050, dengan lebih 90 peratus tinggal di kawasan bandar.

Menyedari isu dan keperluan yang mungkin kita hadapi pada masa akan datang, arkitek landskap dilihat mampu memainkan peranan penting dalam pembangunan negara.

Ia menerusi perancangan dan reka bentuk yang inovatif menyediakan persekitaran hidup lebih



PERANCANGAN landskap sempurna penting untuk kesejahteraan kehidupan masyarakat.

■ AGENDA LAA 2050

baik dan inspirasi untuk semua.

Institut Landskap Arkitek Malaysia (ILAM) mengambil langkah proaktif dan berani dalam menzahirkan amalan profesional arkitek landskap di negara ini.

Menurut pengerusi ILAM Prof Madya Dr Osman Mohd Tahir, Seni Bina Landskap 2050 (LAA 2050) adalah agenda 30 tahun yang terdiri daripada visi ILAM

dan 10 fokus strategik digariskan.

"Landskap sebagai asas untuk kehidupan kesejahteraan dan inspirasi, melalui teknologi inovatif serta nilai yang mampan.

"Jadi rangka kerja inisiatif ini dalam proses pembangunan hingga 2020, apabila ia akan dilaksanakan sepenuhnya menjelang 2050.

"Sudah tentu arkitek landskap berperanan dalam merancang dan menginspirasi penyelesaian reka bentuk terbaik untuk persekitaran lebih sempurna," katanya ketika ditemui, baru-baru ini.

Dr Osman berkata, fokus strategik pertama yang diberi perhatian dalam LAA 2050 adalah pandangan (visibility) apabila setiap arkitek landskap perlu 'bersuara' dan bekerjasama dengan organisasi berkaitan yang relevan.

"Kedua, golongan profesional ini perlu melindungi dan menggabungkan pengurusan sumber yang berkesan dalam setiap pendekatan reka bentuk menerusi usaha pemuliharaan, atau pemulihan landskap.

"Ketiga, pengalaman dan keperluan. Reka bentuk seni bina landskap perlu memberi penekanan kepada pengalaman pengguna seperti nilai

SEDIA PERSEKITARAN HIDUP LEBIH BAIK

Arkitek landskap turut berperanan galak persekitaran kondusif, beri inspirasi kepada masyarakat

SETIAP pendekatan reka bentuk diketengahkan menerusi usaha pemuliharaan atau pemulihan landskap.



sosial, budaya tempatan dan pembabitkan masyarakat serta penyertaan dalam proses reka bentuk.

“Sekali gus mempromosikan identiti dan imej tempatan serta memenuhi keperluan golongan kurang upaya melalui reka bentuk sejagat,” katanya.

Seterusnya, kehidupan kondusif adalah fokus strategik keempat dalam LAA 2050.

Ini bermakna arkitek landskap juga berperanan dalam menggalakkan persekitaran yang kondusif dan menzahirkan inspirasi kepada masyarakat.

“Ia termasuk mewujudkan lebih banyak ruang awam di kawasan bandar, meningkatkan infrastruktur dilengkapi elemen landskap semula jadi, menggalakkan pemakanan sihat melalui pertanian bandar, mengatasi perubahan iklim melalui reka bentuk dan menggalakkan keselesaan dalam setiap reka bentuk ruang.

“Kelima adalah aspek keselamatan yang meletakkan peranan penting arkitek landskap dalam mereka bentuk ruang dan tempat yang memberi tindak balas

mempromosikan kreativiti, keaslian dan kemahiran,” katanya.

Begitu juga dalam menggalakkan persaingan beretika, mempromosikan kepelbagaian dan menyesuaikan diri dengan perubahan serta menjadi penentu trend berpengaruh selain serba boleh.


Dr Osman berkata firma seni bina landskap juga perlu meningkatkan produktiviti melalui struktur terancang yang menggalakkan kecekapan, mempertingkatkan piawai amalan terbaik dan kawalan mutu dalam menyampaikan



Landskap sebagai asas untuk kehidupan kesejahteraan dan inspirasi, melalui teknologi inovatif serta nilai yang mampan

DR OSMAN

REKA bentuk seni bina landskap perlu memberi penekanan kepada pengalaman pengguna seperti nilai sosial, budaya tempatan dan pembabitkan masyarakat.



INSPIRASI kehijauan.



DR OSMAN



ZAHIRKAN seni bina landskap seimbang dan selesa buat semua pihak.



MENINGKATKAN infrastruktur dilengkapi elemen landskap semula jadi.



MENGALAKKAN keselesaan dalam setiap reka bentuk landskap.

kepada bencana alam.

“Pada masa sama LAA 2050 turut meletakkan pemulihan ekonomi dalam 10 fokus strategiknya. Sebarang bentuk projek masa depan perlu mengambil kira nilai ekonomi yang mampan termasuk ketahanan, menjana pulangan ekonomi untuk perniagaan tempatan, memupuk impak sosioekonomi positif, mempromosikan pelancongan hijau dan memberi manfaat kepada pihak berkepentingan secara besar-besaran.

“Seterusnya industri seni bina landskap perlu memberi tumpuan kepada pembangunan kepimpinan, meningkatkan produktiviti,



PUPUK kesedaran dalam kalangan generasi muda.

perkhidmatan.

“Di samping itu, pendidikan dan penyelidikan perlu meneroka falsafah dan idea baru, menetapkan arah masa depan, merapatkan akademik dan industri, mempromosikan penyelesaian pragmatik

serta meningkatkan pembabitkan dalam pasaran antarabangsa.

“Tidak ketinggalan, sistem dan teknologi penting dalam LAA 2050 untuk menzahirkan seni bina landskap seimbang dan selesa buat semua pihak,” katanya.